

tantanau tamna 'untukai

1 tantanau tamna cenana 'untukai tia cu matianai, na tisikara tantanau,
2 niarakacaua marukurapu matacuvungu. vutunu mataa takuisi tia arumuanu
3 paracasu arapana'u. ngukau mataa raru tia arumuanu mapunu macu'u karu.
4 rituka mataa takarura tia arumuanu musuraceni musuvurusai.

5 cenana isi, tantanau tamna 'untukai, tia pasacarapu ucani vo'orua
6 arumuanu, nguai sua arumuanu pinarupu. ngiau mataa tamcuru, tukupecu
7 nguani manmaan kumakunu vutukuru. imua, tuki cu nguani tassa tia matipa
8 arumuanu pinarupu. maracocua ngiau mataa tamcuru, mukusa ciciri cakuran,
9 to'urung tuisua pasupuru. movua nguani macancani tasu'ua vutukuru karara,
10 mataa ucani piacapa, macuvungu matiananai cu arumuanu. cucuru sai hu
11 pinarupu sua ngiau, koo miaranau, kuratumuru cu vutukuru na nguain tamna
12 karara. makananu sua tamcuru? makai ka'anu makasua ma'intasu, 'inmamia
13 ka'anu cu upeni ma'u'ura vutukuru.

14 tia kusai makananu? tia cu matarava takananga, manasu tia savaiun!
15 takususuru vo'in tamcuru, pacupungu makasi "'una cu!" cu'uruun kee ngiau
16 ka'anu 'esi tarakusa 'inia. musakasakau aranai na ngiau tamna karara mara
17 vutukuru, mapusikaru na nguain takacicini tamna karara. makasuin cu ia,

18 makangucu cu vutukuru na ngiau tamna karara, sua tamcuru tamna karara ia,
19 niara'itumuru vutukuru.

20 marivivini, takutavaru'u sua ngiau, 'esiava tumatiara'u sua tamcuru.
21 arakuracu makasi, tamcuru! narisuvu kasu! ka'anu cu ku tia arumuanu kasua.
22 makasi tamcuru, "ka'anu kasu arumuanu 'ikua, makenanu! arumuanu ku
23 mataa cucumeni." nakai 'akia cucumeni marukurapu pakituru arumuanu
24 mataa narisuvu tamcuru. ha! ha! 'akia cau tia arumuanu 'ikua, makasuin, iku
25 sua kuan-cin kisun! 'esi 'inia tamcuru takacicini purangrang. nakai sua
26 makasia, 'esi cu'uruun kavangvang pasupuru to'urung. marivivini, ururuun
27 tamcuru tamna nganai, sii narisuvu.

28 avara'e tia matipa makananu arumuanu, tia kita 'apaica cucuru
29 takacicini tamna 'intasu. makasuin 'apaco'e mu'uru'uru nukai reteng, matua
30 tia putucauun na caucau. 'akuni kiatuturu na tamcuru, tia pasicuru'uun!

31

(文章大意 僅供參考) ※字數限 200 字

森林運動會

1	今年的森林運動會，增加了一個新的比賽項目－釣魚比賽。花貓和	15
2	狐狸特別愛吃魚，牠倆就報名參加釣魚比賽。山羊擔任裁判，發給牠們	16
3	每人一個魚簍，和一根釣魚竿，花貓很會釣魚，不一會兒牠的魚簍就有	17
4	滿滿的魚。狐狸只釣到了幾條小魚。狐狸趁花貓不注意的時候，把花貓	18
5	的魚，放到自己的魚簍裡。這一切都沒逃過山羊裁判的雙眼， 狐狸被除	19
6	名 。無論參加什麼比賽，都要憑自己真正的本領才行，不論是冠軍或者	20
7	殿後，都會受到大家的尊敬。	21
8		22
9		23
10		24
11		25
12		
13		
14		